



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «25» dekabr

02-245-son

Талабага ҳайфсан эълон қилиш тўғрисида

2020 йил 3 декабрь куни Ўзбекистон ёшлар иттифоқининг Тошкент давлат юридик университети (кейинги ўринларда – университет)даги бошланғич ташкилоти ёшлар етакчилиги учун ўтказилган онлайн сайловда университет талабаларининг 585 нафари, яъни сайловчиларнинг 13,2 фоизи иштирок этган.

Ўзбекистон Республикаси Олий ва ўрта махсус таълим вазирлиги ҳамда Ўзбекистон ёшлар иттифоқи Марказий Кенгаши томонидан белгиланган тартибга кўра сайловчилар 33 фоиздан кам қатнашган тақдирда сайлов бекор қилиниши кўрсатилган ва шунга кўра университетда ўтказилган мазкур сайлов натижалари бекор қилинган.

Аммо ўтказилган сайлов жараёнлари бўйича ташкилий гуруҳ томонидан бир неча маротаба тушунтиришлар олиб борилганлигига қарамай, сайловда ўз номзодини қўйган Жиноий одил судлов факультети 2-курс талабаси Хамитов Шахруз Равшанович 2020 йилнинг 7 декабрь куни университет бошланғич ташкилоти ёшлар етакчилиги учун ўтказилган сайловнинг ноҳолис ўтказилганлиги, унинг белгиланган регламент асосида олиб борилмаганлиги ва адолатсиз тарзда бўлиб ўтгани тўғрисидаги асоссиз ва текширилган далилларга асосланмаган ҳолдаги фикрларини видеотасвирга олиб уни ижтимоий тармоқда эълон қилган.

Талаба Хамитов Шахруз Равшанович мазкур хатти-ҳаракатлари билан университетнинг қуйидаги локал ҳужжатлар талабларини қўпол равишда бузган:

- 1) университет Уставининг 30-банди 3-хатбошиси, яъни талабаларнинг мазкур Устав, университет ички тартиб-қоидалари, одоб-ахлоқ қоидалари;
- 2) Одоб-ахлоқ кодексининг қуйидаги моддалари:

16-модда 11-хатбошиси, яъни университет, унинг ходимлари нуфузига путур етказадиган материалларни Интернет тармоғи ва бошқа ижтимоий тармоқларга жойлаштириш ёки улардан турли номувофиқ мақсадларда фойдаланиш;

16-модда 12-хатбошиси, яъни ходимлар, талабалар ва докторантлар томонидан университетнинг обрўси, кадр-қиммати ва нуфузини туширадиган фотосуратлар, видео ва аудиоёзувлардан фойдаланиш ва уларнинг тарқатилишига йўл қўйилмайди;

16-модда 13-хатбошиси, яъни давлат ҳокимияти ва бошқаруви органлари ва университет фаолияти, унинг ходимлари ҳамда талабалари шаъни ва кадр қимматини ҳамда ишчанлик обрўсига салбий таъсир қилувчи ҳақиқатга тўғри келмайдиган, асоссиз ва текширилган далилларга асосланмаган турли хил кўринишдаги маълумот, фикр, мулоҳаза ва муносабатларни Интернет, ижтимоий тармоқлар, шунингдек, бошқа оммавий ахборот манбаларида, тарқатувчиларда, ташувчиларда пайдо бўлиши (ошкор этилиши) ҳамда шундай маълумотларга ижобий муносабат билдириш (“лайк” босиш, репост қилиш) мазкур талаба ва докторантнинг ўқишига, ходимнинг эса Университетда меҳнат фаолиятини юритишига тўсқинлик қиладиган ғайриахлоқий ва ножўя хатти-ҳаракат ҳисобланади;

24-моддаси, яъни раҳбар ходимларга ходим, талаба ва докторантлар томонидан бирон-бир масала юзасидан вужудга келган ҳолатлар бўйича мурожаат қилиниши муайян тартиб (субординация тамойили), яъни муносабат билдиришдаги раҳбарият бўғинларига босқичма-босқич чиқиш асосида ташкил этилади. Университет ректорига талабаларнинг тўғридан тўғри мурожаат қилиш ҳолатлари бундан мустасно;

26-моддаси 8-хатбошиси, яъни университет обрў-эътибори ва нуфузига доғ туширадиган ҳар қандай ҳаракатларни содир этишдан ўзини тийиш.

Юқоридагиларни инобатга олиб, Олий таълим тўғрисидаги низом (2003 йил 22 февраль, рўйхат рақами 1222) 51-банди ва университет ректорининг 2017 йил 7 сентябрдаги 08-338-сон буйруғи билан тасдиқланган Тошкент давлат юридик университети Ички тартиб қоидаларининг 77-бандига асосан ҳамда келгусида шу каби ҳар қандай салбий ҳолатларнинг олдини олиш мақсадида,

БУЮРАМАН:

1. Университетнинг Одоб-ахлоқ кодексининг тегишли моддаларини бузганлиги учун Жиноий одил судлов факультети 2-курс талабаси Хамитов Шахруз Равшановичга ҳайфсан эълон қилинсин.

2. Жиноий одил судлов факультети (М.Нодиров, Д.Мамасобиров):
ушбу буйруқ мазмун-моҳияти билан факультет талабаларини
таништирсин;

мазкур ҳолат такрор содир этилса талабани талабалар сафидан
четлаштирилиши тўғрисида огоҳлантирсин;

келгусида факультетда шу каби салбий ҳолатларни олдини олиш
чораларини кўрсин;

мазкур талабанинг шахсий ҳужжатлар йиғмажилдига буйруқ нусхаси
тикилишини таъминласин.

3. Барча факультет деканлари мазкур буйруқ мазмун-моҳияти билан
барча талабаларни таништириб, келгусида шу каби ҳолатларни олдини олиш
чораларини кўришсин.

4. Мазкур буйруқ бажарилишини назорат қилиш проректор
А.Ҳашимҳонов зиммасига юклансин.

Ректор



Р.Ҳакимов

Лойиҳа киритди:

Жиноий одил судлов факультети
Ёшлар билан ишлаш бўйича
декан ўринбосари

М.Нодиров

Келишилди:

Ёшлар билан ишлаш
бўйича проректор

А.Хашимхонов

Маънавият ва маърифат
маркази директори

Ш.Пўлотов

Катта юрисконсулт

Э.Хосилов